

Innoi podeis ligi, unu infatu de s'àteru, is fueddus càpius ainturus de su vèdeu tutorial chi agatais in sa pàgina Facebook de su Comunu de Solèminis

(bai e càstia: <https://it-it.facebook.com/pages/category/Government-Organization/Comune-di-Soleminis-1584472451837315/>).

Ddui ligeis comentis depeis fai a scarrigai, ponni e cunfigurai s'App de su Comunu de Solèminis e a cunfigurai puru sa pàgina Facebook. S'at a podi sighiri s'atividadis de su Comunu de Solèminis e arriciri is notificas aingìriu de is notìtzias de importu e de apretu prus mannu deretamenti in is dispositivus mòbilis de dònniu.

Comunu de Solèminis

Provìntzia de sa Sardìnnia de bàsciu (Sud Sardìnnia)



Istruzionis de comentis fai a ponni e cunfigurai s'App Istituzionali e sa pàgina Facebook de su Comunu de Solèminis

Scàrriga e bai a ponni s'aplicatzioni DomosApp.Pa:

- de "Google play" po is dispositivus Android
- de "App Store" po is dispositivus IOS
- de sa pàgina Facebook de su Comunu de Solèminis, scioberendi su butoni "Impera s'app" (= "Usa l'app").

A primu imbucada bai a ponni:

- su scioberu de su Comunu (est a nai: "Comunu de Solèminis")
- su Prefilu utenti e
- s'allutamentu de is notificas.

Craca duncas apitzus de is tres puntineddus in artu a manu dereta.

- Craca su butoni "Scioberu Enti" (= "Scelta Ente") po anca impostai su Comunu de Solèminis;
- Craca su butoni "Prefilu utenti" po anca impostai su prefilu utenti cosa tua, scriendi su Nòmmini tuu, su Sangunau e su Curreu eletrònicu;

- Arregordadì de allui is notìficas push po èssiri avisau de sa pubricatzioni de is notìzias de importu mannu (s'aturai atentus a su tempus malu, is avisus, is bandus, is contributus e sighendi a nai): bai a "Preferèntzias" (= "Preferenze"), "Arrici notìficas push" (= "Ricevi notìfiche push"), "Avisus de s'aturai atentus" (= "Avvisi di allerta"), "Notìzias e acuntèssius" (= "Notizie e eventi").

A s'acabu, sarva su preferilu tuu (= "Salva profilo").

S'aplicatzioni est giai pronta po dda imperai; in sa primu schermada si podint biri is avisus e is comunicatzionis po is utentis e is atividadis de su Comunu (is butonis "Primu pranu" = "Primo piano", "A craru" = "In evidenza", "Notìzias" = "Notizie").

Crachendi apitzus de is tratixeddus in artu a manu de manca ("A craru" = "In evidenza") s'oberit su menù a tendinedda cun is scioberus po anca navigai in s'App.

Sciobera intra is possibilidadi de navigai in is setzionis de s'App: "Su Comunu" (= "Il Comune"), "S'aturai atentus" (= "Allerta"), "Notìficas" (= "Notìfiche"), "Acuntèssius" (= "Eventi"), "Sinnala" (= "Segnala"), "Innui seu" (= "La mia posizione").

Po anca èssiri informau po mesu de sa pàgina Facebook:

- bai a sa pàgina e ponni mi praxit ("Ti praxit" = "Ti piace");
- sciobera su butoni cun is puntineddus;
- de su menù a tendinedda craca su butoni "Ponis giai infatu" (= "Segui già");
- arregordadì de allui is notìficas, est a nai "Arrici is notìficas" (= "Ricevi le notìfiche");
- bai a ponni in "Amosta comentis primus" (= "Mostra per primi").

Bona navigatzioni!